



Raan eo Ejejet Kütien: Nobōmba 18, 2020

Melele in Kajinet ñan Kabōjrak Kōmadmōd Ibelakin State eo - Jikin Kōmadmōd ko Armij rej Make Bōk Aikuj ko Aer

Maroñ eo: Wōtar jen Ra In Lolorjake Nōmba 20-65, ORS 433.441, ORS 433.443, ORS 431A.010

Jerbal ñan: Melele in kajinet in ej jerbal ñan jikin kōmadmōd ko riwia ro rej make bōk aikuj ko aer ilo jikin mōñā im idaak ko, ekoba bōtab ejab bōjrak wōt ñan imōn wia jidik im imōn kaikwijkwij mōñā ko ibelakin state in.

Melele in kajinet in ejab jerbal ñan wewein aer likūt ak wia kake mōñā in leen wōjke ak jen atake, mōñā ko elab joñan, mōñā ko emōj aer bed iloan bakij iloan imōn wia mōñā, imōn wia jidik, ak imōn wia ko jet.

Jikin kōmadmōd ko armij rej make bōk aikuj ko aer emo ñan imōn mōñā ko, baar ko, jikin kōmman bia, imōn idaak ko, imōn kōmman wine ko, ruum in edjoñ ko im jikin kōmman dān kajur ko ilo tōre in.

Kabin: Ñan joñan an melele in kajinet in aikuj loor kin jejetin kakien ko, enaj mennin kabin einwōt kōjejet ilo Wōtar jen Ra In Lolorjake 20-65, ioon 11.

Kōmelele ko: Kin wūnin melele in kajinet in, kōmelele ko laajrak rekkar:

- Melelein “Edjoñ Arkool” ejab lablok jen 1/2 ounce in dān kajur, 1 ½ ounce in wine/cider, ak 3 ounce in dān in idaak malt ko.
- “Mōñā ko Elab Joñan” ej melelein mōñā ko rejab bed iloan bakij ak emōj kōbelloki jen bakij, emōj kōmadmōde ak jañin kōmadmōde im elōñ kakobaba ko rej bed iloan men ko nier im riwia ro rej bōke joñan ko rej aikuj, bōtab ejab koba mōñā in leen wōjke ak jen atake ko rekāāl einwōt fruit im vegetable ko, nut ko ewōr kilier, kein kakobaba ilo baar in salad ko ak mōñā ko jet remaroñ lewaj jorren.
- “Ijo elōñ jikin jibwe” melelein ej juon jikin kōmadmōd im riwia ro rej make bōk aikuj ko aer im rej jibwe elōñlok jen juon wōt jikin eo ñan ebōk mōñā ak dān, ekoba bōtab ejab bōjrak ñan, baar in mōñā in leen wōjke ak jen atake einwōt salad, buffet ko, mōñā in mabuñ ko “continental,” jikin kōmadmōd ko mōñā rej edoulul im jej bōke aikuj ko ad, im baar ko armij rej make kanne kijeer frozen yogurt im kōbwebwein mōñā.
- “Emōj bakij” melelein ebed iloan bato, kuwat, bok, juon bakij emōj kakwōne, ak emōj kitimi, emaroñ kar bakij iloan juon jikin wia mōñā ak iloan juon jikin kōmadmōd mōñā.

- “Emaroñ Jorren Mōñā” ej melelein jabdewōt mōñā ewōr kobban aoleben, ak mōttan, milik ak men ko jen milik, leb, kanniek, bao, eek, mōñā in lojet ko ebin kilier, mōñā ko einwōt baru im libbūnōj, im men ko jet kein kakobaba, ekoba kein kakobaba jen men ko jej kōmmāni, ilo wewein eo emaroñ mōkaj im lablok an eddek nañinmij ak kij jidik ko rej letok jorren, bōtab ejab koba mōñā ko ewōr joñan pH 4.6 ak diklok ak joñan makūtkūt in dān (Aw) 0.85 ak diklok.
- “Mōñā in leen wōjke ak jen atake” melelein ej mōñā ko jej kadek einwōt fruit im vegetable ko, berry ak nut ko im rejañin kōmadmōde.
- “Jambool” ej melelein mōttan mōñā jilu ounce ak ediklok ak dān ejab arkool.
- “Jikin kōmadmōd ko riwia rej make bōk aikuj ko aer” ej melelein jabdewōt jikin kōmadmōd eo riwia eo emaroñ make bōk mōñā ak dān ilo an rijerbal eo jab jibañe, ekoba bōtab ejab bōjrak wōt ñan mōjin ak jikin mōñā im dān ko riwia rej make bōk aikuj ko aer, mōjin in frozen yogurt ko, jikin etteiñ kobe ak dān in idaak ko.

Rikōmadmōd ro an jikin ko riwia rej make bōk aikuj ko aer rej aikuj in:

- Etale im kōjejjēt kūtien [Melele in kajinet eo an Imōn Wia ko](#).
- Kamo an armij mōñā im idaak ilo jikin eo, ekoba edjoñ im jambōl ko.
- Kil jikin ko armij remaron mōñā im idaak, ekoba bōtab ejab bōjrak wōt kin jikin elōñ imōn mōñā ko iloan em im jikin jjet ko.
- Lolorjak an aoleb jikin mōñā im idaak ko armij rej etal ñani ibben doon im elōñ jikin jibwe ko ekoba, bōtab ejab bōjrak ñan jikin kanne mōñā in leen wōjke ak jen atake einwōt salad ko, buffet ko, mōñā in mabuñ “continental,” jikin kōmadmōd ko mōñā ko rej edoulul im armij rej bōk aikuj ko aer, jikin ko armij rej kanne frozen yogurt im kōbwebwein mōñā, bwe rijerbal ro wōt ren kanne im ajej ñan riwia im riwia ro rejab make kanne.
- Loor aoleb kakien ko rekkar ñan kejbarok in mōñā an bukōn im state:
Jikin Ejmour an Kien eo an Bukōn ilo County - [Kakien in Kejbarok Wewein Karreo Mōñā \(OAR 333-150\)](#)
Ra in Atake eo an Oregon (Oregon Department of Agriculture) - [Kakōllein Mōñā ko Kein Wia \(OAR 603-025-0030\)](#)..
- Elañe rej lelok kein mōñā ko rej jolok elikin kōjerbal ñan riwia ro, kwōn kitimi kajojo uwaan kein mōñā ko.
- Kakut am karreo im manman kij ilo jikin kōmadmōd ko riwia rej make bōk aikuj ko aer ekoba, bōtab ejab bōjrak ñan, kein mōñā im idaak ko, mōjin in etteiñ dān in idaak ko, mōjin in frozen yogurt ko, jikin etteiñ kobe im dān in idaak ko jet. Kōjerbal kein manman kij ko ekkar ñan kōmelele ko ioon bato ko, emōj likūt ilo [laajrakin etan kein karreo ko emōj an Obij in Kejbarok Mejatoto \(EPA\) kōwebben ñan](#) SARS-CoV-2 kij eo me ej kōmman nañinmij in COVID-19.
- Kōjejjēt kūtien im lale kakien ko ñan an aoleben riwia im rijerbal ro kōttolok doon ñan lolorjak aer jab kakobaba ibben doon ak obrak ilo jabdewōt jikin ko rej make bōk aikuj ko aer.
- Kōjerbal kōjellā ko bija ak jeje, tape, ak kein kalikar ko jet, ñan jibañ an armij maroñ loor aer ikijen kōttolok doon.

- Kamo an riwia ro make bar kanne aikuj ko aer ijellokun ñe riwia eo ej kōjerbale juon nien kanne eo ekāāl ak emōj an juon mōjin karreoiki manman kij ioon.
- Lelok kein mōñā ak nien ko ñan riwia ro ilo jikin ko rej make bar kanne aikuj ko aer.
- Jolok jabdewōt mōñā remaroñ kar jorren jen ibben riwia ak rijerbal ro, kin aer kar jibwe, maje ak bokbok ilo ien aer bed ilo lain in ebōk jibañ eo.
- Kakut am karreo im manman kij jen ioon men ko rejab jibwi mōñā ekoba, bōtab ejab bōjrak ñan ioon tebōl ko, kein kōbellok kejem im kein debdeb ko.

Ñan joñan eo remaroñ, rikōmadmōd ro an jikin mōñā im idaak ko rej make bōk aikuj ko aer ren, bōtab rejab aikuj in:

- Kōmmane Laajrakin Joñan Kōmadmōd ko ilo jeje ñan jibañ jikin kōmadmōd ko rej make bōk aikuj ko aer, ekoba kōjellā bija ak jeje ko, kōmelele ko ñan riwia, ikut in manman kij im lelok kōmadmōd ko jet ñan rijerbal ro.
- Lelok kein manman kij in bā ñan an riwia ro kōjerbale ilo jinoin aer deloñ im diwōj jen jikin eo rej make bōk aikuj ko aer.
- Lelok ñan riwia ro tebukro in bā remaroñ jolok elikin aer kōjerbale, beba wax ak kein mōñā ko rej jolok elikin aer kōjerbale.

Kein jibañ ko jet:

- [Kōjellā im bija ko kwōmaroñ kajutak](#)
- [Melele in Kajinet an Aoleben State eo kin Kein Kalbubu Māj an Jikin Taktō, Kein Kalbubu Iturin Māj, Kein Bōbrae Iturin Māj](#)
- [Melele in Kajinet an OHA ñan Aoleb Jikin Jerbal ko](#)
- [Beba in Melele Mool kin Kakōlle in Mōñā #1-Kadiklok Jibwe kin Bā ko Rejab Kalbubu \(jербal ñan jikin ko ewōr aer lai jen county eo wōt\)](#)
- [Beba kin Melele Mool an ODA kin Ejellok Jibwe kin Bā ko Rejab Kalbubu \(jербal ñan jikin ko ewōr aer lai jen county eo wōt\)](#)

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele in Ejmour eo ilo 1-971-673-2411, 711 TTY ak COVID19.LanguageAccess@dhsosha.state.or.us.